

淮
海
英
靈
集

淮海英靈集目錄

鄉人阮元鼎

乙集卷一

郝明龍 杜仁俊 王 穀 朱淑熹 李拔卿

徐 熹 鮑開宗 熊敏慧 熊維熊 閔 敘

孫宗彝 孫弓安 孫弓聖 孫濩孫 孫 中

孫 穀 孫同郊 孫同庶 從 準 劉長發

賈良璧 江 閻 張丕揚 王 訪 吳能謙

許天球 張紹良 張 鈿 蘇同許 陳時清

汪惟豫 方肇夔 吳賦書 徐維祺 文二訓

陳 儼 謝 旭 方願瑛 杜 銘 劉國黻

劉師向 劉師恕 劉師寵 劉冠苟 劉傳馨

劉仰桂 劉天麟 劉 佺 劉履恂 劉兆彭

程文蔚

乙集卷二

王 易 許承家 許錫齡 許昌齡 許迎年

許謙 高巖 高溥 高清 高謨

顧圖河 秦之俊 秦熙 秦德輔 秦德亮

陸大珩 吳文煜 張元進 史順 吳世燾

石爲崧 沙鼎 史申義 李湘 趙有成

汪修武 吳寅 楊維漢 汪玉珩 王權

張圯授 朱澐 沙鍾珍 丁其錫 朱國琦

卞元彪 陸珂 王拱辰 王待 秦定遠

黃九河 黃九洛

乙集卷三

張發生 汪應庚 卞澍 伍之麟 伍燧人

伍起 伍元台 許嗣隆 陸鍾輝 朱洵

劉永和 王令宜 余元甲 尤璋 史芳涓

葉敬 高玉桂 汪士慎 黃以琳 汪嘉謨

黃閣 歐陽騫 吳倫體 朱重慶 張和

金門詔 馬曰琯 馬曰璐 馬振仲 趙秉憲

范韓 余瑣 徐宗健 徐獻科 戴源

蕭說 鄭從諫 吳琦 姚景詹 劉應麟

朱光岳 王聖

乙集卷四

程名世 程兆熊 吳文姿 程以位 黃裕

李兆吉 壽譽達 王世球 王世錦 李敬修

羅人傑	馮湯	應隆	徐開綸	汪漢倬	曹文運
曹德岐	曹一蕭	閔璠	張麋	梅閔琇	
張臨	王孫晉	陶開虞	吳均	朱冕	
桂敬順	桂禮順	周鳳鳴	葛振	葛佺	
田雲鶴	經綸	張日恒	方元鹿	范徵麟	
焦驕	宮履基	陳璨	朱東啟	楊開鼎	
汪丙	汪庚	陳多福	團連城	戴賢	
張在琦	羅昆	吳登鰲	范馨	管希寧	

淮海英靈集

鄉人阮元輯錄

郝明龍

字雲蒸江都人明忠臣景春子景春知房縣死張賊之難長子鳴鸞從父死明龍慟哭于戎壘中扶喪歸葬北走上其事得卹廕明龍念父兄慘死絕意仕進蔬布終身年四十九康熙時卒

閒居

白雲片片著人衣黃葉辭柯閒一飛乘便小舸看釣去偶來
野徑得花歸羸他雞肋早知棄趁此蟹螯秋正肥自是湖山
堪久戀不關城市與心違

杜仁俊

字思贖江都人順治五年貢生或云名仁傑官蒼溪縣令又江都甘泉二縣志稱官寶坻縣令寶坻屬直隸蒼溪屬四川絕不相及豈仁俊始官於蜀終於順天故縣志從其終而書之歟

重過法海山房

三年不到此今到轉茫然芳樹自春烏石橋空暮煙好山雙
屐補古佛一燈前默向蒲團坐冷泠聽石泉

江月

秋月兼霜白空江向客圓似能添水濶只不欲人眠心事今宵劇關山此地偏還家雖有夢帆影隔長天

王

穀

字椒卻號墨舟江都人順治七年歲貢生官岐山縣知縣

金陵懷古

連江烽火亂如麻猶自笙歌擁麗華絳蠟不知天已曙鳳幃初起月將斜詔催江令翻新曲書止隋軍奏暮笳千古君臣渾不晤依然高唱後庭花

箭插坪

峭壁垂千仞攀蘿直到巔秦山多礙日蜀嶺欲低天樹杪懸危棧林腰咽斷泉憑高一回眺萬壑起蒼煙

朱淑熹

字艾人秦州人順治辛卯舉人

柳敬亭自京師過訪吳陵感舊

時出示子培
凍雁羣札子

老病蕭條薊北回還過海國感興衰
眼看出塞人長別誰使
孤城馬更來白髮賓朋雙涕淚
黃蒿池館一樽鼻當筵休說
開元事何處昆明少劫灰

李拔卿

字枚及泰州人順治
八年拔貢生官通判

晚出南口城

黃沙撲面駭飛蓬四月驚寒起朔風
南下地形趨督亢西來
山勢扼雲中吹笳半壁城樓晚
牧馬荒陵草木空却問當年
誰鎖鑰北門終想寇萊公

宣鎮

上谷嵬然壯客遊當年右臂繫神州
途經鷓嶺山如鑿地近
羊房草易秋鹵簿昔聞從帝子
犬牙今復制諸侯邊聲盡以

西風厲鼓角悲涼鎮朔樓

徐

熹

字

治

十

一

年

歲

貢

生

興

化

人

順

隱居終養詩

昔人有遺訓忠孝道難兼高堂正垂白忍忘鞠育恩去去返故鄉菽水追餘歡一日勝三公難爲達者言捧檄雖可喜迴馭豈徒然母爲競榮祿潔養愧前賢

鮑開宗

字

又

昭

江

都

人

重九喜晴次徐雨新韻

新霽欣重九秋高望眼賒西風憐皂帽宿雨滯黃花衰柳依平浦寒潮落淺沙茱萸釀酒熟把酒惜年華

熊敏慧

字

暹

度

又

字

穎

生

江

都

人

居

瓜

州

順

治

乙

酉

舉

人

有汲洽

究

心

理

學

工

詩

古

文

詞

苑

及

書

畫

終

于

宜

興

所

著

堂集

步竹園作

江月不受塵江水不受俗持我方寸心濯此清冷玉晚風過
林筵翠寒聲簌簌烟光低映人毛髮沁空綠吟斷一園秋暗
籟自相續夜冷露已溥夢遶瀟湘曲

熊維熊

字偉男敏慧子歲貢生以文學知名所著有瓜渚貞烈志綠雲軒詩集

金山月夜同吳子方言家季亮武登黃鶴飛來處

隨月上高臺江光一道開數峯青欲斷何處笛聲來黃鶴遶
孤塔白雲橫古苔洞扉閒玉几定有列仙回

閱

敘字鶴雁江都人順治戊子舉人乙未進士任廣西提學

桂林寒月

天末此遙夜云誰共素心簾疎客霧入樹老飽風侵歸雁瞻
斜漢驚鳥過別林旅懷殊未慣腸斷此時磴

輯廣西志畧漫述十二律選

捲甲曾聞捷似風軍威久震百蠻中祇緣債帥皆徵貨頓使
中涓獨總戎經術籌邊推理學權謀制勝奏膚功呼庚誰復

蒐軍實挽粟飛芻恃變通

孫宗彝

字孝則號虞橋高郵人順治丙戌舉人丁亥進士

授中書科中書掌科事本州舊有優免馬差房差
田差現催丁差等害孝則首請除之著為令又上請明
職業請歸職掌等疏擢吏部考功司主事轉員外郎時
有以城工授官者力持不可堂官劉正宗郎中宋牧民
怒之誣孝則以索詐下部面質家宰議均得罪
上直宗彝免之獨坐牧民調文選司典試河南轉稽勳
司郎中又補考功司外陞薊州分巡道副使以病歸逆
里中水患孝則為請賑收活甚多又建議周橋不可開
宜激淮水刷沙河流之真終用其議唯論治河之工搜
弊太露觸怒河員姦民乘隙誣以他事遂下揚州府獄
總督于成龍知其冤將昭雪之會病死獄中太守崔華
傷之以禮殮葬州人哭者徧于道路年七十二所著有
愛日堂詩集四卷易宗十二卷圖說一卷律數四卷文

集上
二卷

瑞雪頌

茫茫清甸波蕩塵飛三靈改卜九服同歸辰星司籙同雲應
輝天眷厥家降穰孔祈仁風扇臘紛綸依微白帝盛衛鬢鬢
振衣三神羽化五色鱗屏飄蕭六出粟瓦寒威報我嘉歲蝗
遺種希佳德萃禎渥淡揚徽

瑞軫出御祥颺被幃王道清蹕縱轂決圍

睿思勃茲痼瘵已饑觀風陳詩顧省厥違懷柔翼亮

皇德巍巍

同曹秋岳先生遊韜光菴和高忠憲公韻

山水有真意香林春景舒佛宇起天半恍躡洪濛初流泉停
芳池清風灑前除遂使冰雪心迴與塵世疎臨軒闕江海一
氣浮清虛層雲排闥闔飄渺仙人居

庚申湖泛城市水深數尺浮屍滿村落閒幕撫軍發金
爲擇地結茅且致予書俾未死者得所因命安兒構篷
近萬間入冬飢寒交迫予過吳門請賑舟行遇雪述此
兩日江上船一夜天邊雪朔風裹薄衾依舷抱寒鐵嗟彼篷
中人竈冷炊烟絕家家哭無聲淚凍寒哽咽頃刻棄溝渠此
苦甚漂沒當世多仁人哀矜能勿切事幸達

九闕

恩庇災黎骨

孫弓安

字無燭高郵人宗彝長子順治丁酉舉人以子獲

贈奉直大夫康熙庚申歲大水人城
弓安董築南關露宿者數晝夜城中得無恙又偕富民
輸粟以周窮乏學宮壞偕同志鳩輯生平喜遊工集唐
詩所至皆有遊草

司寇喻武功先生督修淮陽河道遇余於江都謝康題

詩於畫見遺有移向汨羅深處住之句集唐誌感

聖主宵衣夜未央遙憐澤國水爲鄉苦心欲得安民術

元首忻從治世方異地六時勞寤寐清淮千里共汪洋殘解

幾戶蒼生在猶爲

君王泣數行

司馬禮
姚合

張
劉兼

方
李益

李山甫
皮日休

臣心自愛玉爲人善政多才寵寇恂奉

命但如頻作客在官猶自未嫌貧一錢不受歌劉寵千里同

聲說季真召對應陳桑土計更因從此展經綸

黃滔
張謂

錢起
包何

李訥
耿煒

朱慶餘
張籍

高絃一弄武陵深誰和騶虞發素琴十載空餘孤竹淚中年

潛識子房心身隨幻境緣多事話到傷心只苦吟四海千秋

誰著眼爨桐焦尾問知音

胡宿

談用之

鮑君徽

許渾

憐余白髮老僮多雲樹連天阻笑歌詩繼青蓮懷謝史碑評

黃絹讀曹娥千秋孤憤芳時在南國浮雲水上過忽漫相逢

還惜別故人重見詠菁莪

湯說

張謂

翁綬

杜牧

題楊祉益照

清如冰玉重如山感會多生氣概閒獨向清溪依樹下但留
白眼看人閒我生隨處堪爲樂誰道皇天不惜閒檻水每從
千澗落朝看飛鳥暮飛還

薛能

劉長卿

雍陶

曹松

歲月雖多却少年僻居雅愛近林泉伊人宛在流秦水司馬

猶存論蜀箋滿砌荆花鋪紫毯點溪荷葉疊青錢知君不戀南枝久時論同歸尺五天

劉威
白居易

談用之
杜甫

黃滔
陸龜蒙

薛逢
杜甫

王嬾雲遊吳門緘書索題冊子

古來名下豈虛爲盡日含毫有所思疎影橫斜水清淺寒光
凝沍玉參差詩成自號新開府酒後常稱老畫師千里雲山
何處好慚無佳句寄書遲

張祐
羅虬

薛能
杜甫

林逋
杜牧

劉文房
盧僊

江南江北共悠悠君去春山誰共遊客裏幾時攜素手人間
亦自有丹邱閒臨筆墨塗溪壑醉折花枝當酒籌知是清才
推社伯更憑飛夢到瀛州

許渾
曹松

劉商
白居易

劉文房
盧僊

韓炳
胡寅

韞唐頌許太史視學江南

玉尺程材稽艾蕭斯文興起屬

天朝

恩畱雨露隨時淳身出山河應數饒照徹燃犀澄徹水清如
寒玉直如條書懸

魏闕奎光聚常見台星在碧霄

李

鴻

郎士元

翁

綬

王

建

爲征茅茹慨同升未盡風流相國能虛受海王原浩浩休容
山節自稜稜青雲足下三千士白玉壺中一片冰盛德好將
銀管述半家寒骨起溝塍

林

浩

杜巨源

荆

定

李

洞

鼎呂威儀蓋代瞻禮延羣客每謙謙將羅鴻羽堪爲朋特鼓

龍雷奮起潛箕宿舊勞

天子夢奎文新應史官占望崇早歲歸黃閣師相尊銜日與

兼

李

任華

祖

殷文珪

詠

羅

崔頌

隱

劉

崔塗

左郡伯芝齋詩

人識傳呼獬豸儀暫分銅虎別京師

九重

聖主方虛席三事賢臣半進規宣室久懷霖雨夢國人先咏
袞衣詩政成何用三年滿出入

承明啜紫芝

張

盧綸

薛

薛逢

劉

禹錫

方

韋莊

江

崔湜

銀章朱紱映金羈遙望長如玉樹枝闔苑芙蓉輝寶篆隋堤

楊柳拂旌旗化行淮甸春初遍恩入河源凍合遲萬象曉歸
仁壽域洞中天地產靈芝

錢起

張籍

李益

王彥威

喜得君侯妙撫綏迎春草木長芳枝銜

恩暫遣分龍節清宴還如集鳳池落月低軒窺燭盡澄泉繞

石泛觴遲冰壺一片照亭上感會羣仙把玉芝

張蠙

楊巨源

李益

劉延

為政風流今在茲清如寒玉直如絲花驄節概烏臺上龍馬

精神海鶴姿四野九秋登百寶三年五度換雙輝萬家鹽井

烟雲護應亦年年稅採芝

杜甫

張籍

趙嘏

李邕

馬懷素

張籍

平甫

陸龜蒙

係弓聖字無回號鴈庵高郵人宗彝犬子少負雋才爲文操筆立就嘗南遊湘粵北歷燕齊至必見諸詩歌

其言凄清峭刻宋中丞榮謂有盛唐遺響著寄嘯草呻吟雜詠不盡意編

大觀樓晚眺

望中千里碧春水接遙天風靜浪無勢江清月正圓晚潮連

石動漁火雜星懸森森思何極歸船獨扣舷

孫獲孫字窳人號沛邨高邗人弓安子八歲能文十三歲

愬公卿間見者無不感動後隨侍縲絏於經史剖悉精

微宗彝卒遺書字以窳人謂其能繼祖志也年六十始

與其子中同舉癸卯鄉科已酉應內閣試世宗

憲皇帝持命以中書管司經局正字庚戌督京右翼太

平倉甲寅引見奏議停截畱漕糧之例以充

天庾復請禁債主赴倉領米以裕兵丁悉蒙

旨准行尋陞刑部所江司主事監糶西城米廠白於大

司農鐵崖史公遜減價直所濟貧民無數時淮揚疊被

水災變遷形勢前後近數千言因議開毛城舖引河事

源流變遷形勢前後近數千言因議開毛城舖引河事

挂吏議復蒙聖恩寬宥供職如常後以疾歸所

著書有檀弓論文華國編古賦選唐賦選文選行世

廣德道中畱寄太守丁柱濤

詩經卷之五

春雨乘吳舫晴光上越車野梅欹澗老亂石疊溪斜細載盈
驢背提封控犬牙川原淳朴意處處有桑麻

孫

中字麤田號靖堂高郵人濩孫子性嚴謹雖溽暑必
衣冠端坐曰正心修身之道在是白田王子中深
器之因以女字焉與父濩孫同舉癸卯鄉科卒年二十
有七子全轍已卯經魁全敵已卯解元輯其詩為靖堂

存案

蟋蟀

立秋今幾日蟋蟀已微吟咽雨依殘砌和風怯暮碁家無刀
尺響爾有歲寒心露冷空齋外蒼苔一逕陰

孫

穀字補田一字祈圃高郵人濩孫子舉賢良方正試
出無罪者三十人潔廉孤直不愧祖風署贛州府同知
除漕弊之不便於民者刊于石上官忌之誣以他事落
職撫軍岳公廉得實保題于石上復原職病
歸卒於家年四十六著長嘯齋詩集一卷

丙午十月望午睡夢登高山有紅石可愛山芴童子持

石贈余爲硯喜而賦詩

硯山清夢到奇石手摩挲霞鍊朱生采香凹墨是窻方圓真
一品得失試三磨爲問江淹筆持來比若何

孫同郊

字兩疏號湖生高郵人穀長子著有長嘯齋集一卷

遊愛日園舊址敬步高祖吏部公愛日園詩原韻

往蹟依稀一望中疏林猶帶落霞紅幾株楊柳橋邊合四面
芙蓉檻外通瘞鶴至今畱片土

舊有瘞鶴墩

啼烏何處認衰桐

先

部公沒後

遺編剩有歸田錄讀罷遙思綠野風

孫同庶

字一鶴號培莊高郵人穀少子廩生負奇氣能巨飲詩有唐音著飛桂軒文集詩集瓶室詩餘若干

卷

樓莊

去西湖六十里曰太陽溝溝西二里許曰樓莊先

孫家樓莊者是也癸未八月與四兄信宿其上低徊不能去云

日落湖光激澗明家家社鼓到三更
既知歧路亡羊泣好傍先疇買犢耕
饁去新梁夫媚婦沽來濁酒弟酬兄
莫言五世澤常斬努力還期保令名

從

準

號西村高郵人

賣碁

兩奩玉子對文楸一局千金若個酬
花下客誰談別墅楸中叟自賭瀛洲
機心豈必逢場用勝著何妨爲劫畱
只是仙人棋莫看爛柯歸去卽荒邱

劉長發

字存永江都人康熙癸卯舉人丁未進士授中書舍人遷虞衡司主事甲子典試廣東嘗論免閩粵

仙霞解炮之役生平規矩自範里中稱篤行君子詩甚工惜不多見

題董宗伯山水障子歌

先生文章之宗匠早歲致身躋卿相
藝苑聲華各擅奇風流

一代爭矜尚當年筆墨更稱神北苑南宮備一人興至經營
拂絹素寫山寫水得其真一時聲價連城重貴戚權門相傾
動只今眞贗半雲閒還借高名轉馳送藏來此幅勢氤氳衆
峯突兀滿烟雲紛披草樹翠可摘山容直欲凌蒼雲懸之一
室當臥遊水光山色驚涼秋有時晷靄霧初濕風雨疑從壁
上流淙淙寒玉泉聲碎石屋亭亭倚山背嵐光照日瀉晴空
清簟疎簾交掩曖先生盛名在臺閣更從筆底窮邱壑安得
誅茅結屋於此閒策杖看山獨往還

賈良璧

字子瑜高郵人
康熙癸卯舉人

渡彭蠡

湖勢雄南紀揚波擊畫舸亂山圍巨浸初日盪層溟戰血千
年碧愁絲兩鬢青浮沈眞若寄滄海一抗萍

眞州夜泊

機櫂大江潯孤城起夕陰石帆殘照迴瓜步晚烟深潮雜舟人語鐘清客子心呼燈還貰酒莫遣鬢毛侵

江

閩

字辰六江都人康熙癸卯占籍貴州中式榜姓越官解州知州著有河汾集常以曲江濤榜其齋閩

秀水朱檢討彝尊辨曲江卽在浙之羅刹江近江都汪明經谷甫又作廣陵曲江證以辨竹垞之誤

喜吳天章至自蒲坂

久違冰雪後相對兩蕭然有榻畱徐穉無錢與鄭虔銜杯重話舊剪燭欲忘眠不識千秋後詩篇若箇傳

雨後舟中

一幅春山畫不如夜深燈火對村居布帆十日風兼雨喜得餘閒讀漢書

張丕揚

字北溟號木田泰興人與江都殷彥來顧書宦交王新城序其詩以爲金石之聲芳蘭之韻非撥扞

長慶劍南可比著

木田詩鈔八卷

題魁字

明倫堂中屏舊有魁字爲宋文信國書

斂蓄魁光八十年
欣看今日麗中天
文星高映峨眉月
元氣潛分濯錦川
鐵畫銀鉤寧漫漶
龍跳虎臥自騰騫
遙遙精意相呵護
珍重當年筆似椽

王

訪

字雪邨與汪畏齋相友善著散餘堂詩鈔二卷

春日借吳教諭叔子集羅漢寺

同人尋逸趣
聯步石橋西
徑轉花爭發
林深鳥亂啼
重巒斜景徧
十寺梵音齊
坐久塵心滌
烟嵐入座低
共發濠梁興
相攜到茂林
溪停孤塔影
山壓半城陰
瀑水沾松翠
茶煙入竹深
歸途殊未遠
新月出遙岑

吳能謙

字自牧號受亭儀徵人著有春風第一亭詩畧一卷

題山巢圖

卽康山舊址

市上儼村墟，康公舊草廬。無人窺遠抱，有客愛幽居。江水環空郭，晴嵐隔小渠。銜泥雙燕子，慎勿污琴書。

許天球

字崙，奏江都人，師六編，修從孫，著碧雨山房詩鈔一卷。

端陽後五日，讌集補堂聽通州王吉途坦彈琴，卽題所

著琴旨後

琴旨已收入四庫全書

雅音欣閒作，傾耳最心降。夜迴林猿嘯，風清石澗淙。奇書人不識，妙指世無雙。何況消長夏，吟倚倚竹窗。

同吳葦堃過枝上村，登彈指閣，觀文思上人所藏黃癩

瓢畫卷

歲月悠悠只指彈，振衣百尺倚闌干。翠環傑閣千林迴，風壓層簷四月寒。舍影分僧毫際築，詩清湧客卷中觀。卽今韻事

追靈運雨到何妨罄夕歡

張紹良

字又房
泰州人

京口曉發

渡口月初落城頭鼓角鳴人家明宿火行李帶殘星野店江
光白山程草色青南徐頻作客歸夢幾時醒

張

細字環齋
儀徵人

爲黃天儀題其祖翁南升先生手蹟

涪翁詩調自清奇一語令人十日思片楮文孫珍惜甚江西
家法少陵詩

蘇同許

字友燕號補
園高郵人

渡揚子江

春潮乘早渡烟影一江生雲勢連山起濤聲到海平遙鄰芳

草路直接潤州城點檢登臨興先從北固行

送客之吳門

客路秋光泛綠蒲君從畫裏到姑蘇
楓橋細雨山塘月一夜
懷人夢酒壚

陳時清

字老香
泰州人

天印山詠古

天印山南王氣新下臨淮水石磷磷
赭衣空費三千力地脉
何曾更屬秦

汪惟豫

字次倫一字
琴嘯江都人

鷺

白鷺偶相見閒閒到柳塘
淡宜參水月孤影避鴛鴦

方肇夔

字引諧一字晚鋤江
都人著有晚鋤詩彙

歸舟聞度曲

西風吹欲斷涼月耿疎林此夕移歸棹蒼茫烟景深誰家歌
水調長笛起商音縹緲流清怨空江何處尋

吳賦書

字漢章
儀徵人

南塘新居

城居大半似江鄉貼水初聞蓮葉香老去生涯何所事一竿
晴雨釣南塘

徐維祺

字瑞周江都人著
濠堂詩彙一卷

清明日送弟

漠漠寒烟帶曉溼一行斷雁短長亭莫因佳節傷離別芳草
垂楊到處青

文子訓

字命時儀徵廩生居甘泉之堰橋自稱與可後人
畫蘭竹自成派子九臬字秋翎諸生傳其法以

授外甥德潤至今效其派者號曰
文蘭書徵錄所稱未得其意也

村中卽事

一灣碧水護邨居況是晴明二月初
老樹青時人撥甕小梅
落後客翻書時巡花圃培新土爲愛
苔裊摘嫩蔬此是冲虛
經妙處何勞更夢入華胥

陳

儼字以莊甘泉歲貢生居北鄉黃珏橋幼學負販久

而恥之徧讀經史深于宋儒理學時郭述堂館于
北湖焦氏時請宋五子書以莊至則戒慎不輕發一言
壽九十餘卒著有文集四卷時文集數百篇偶存詩草

卷一

題房孝子墓碣後

大孝本庸德苟難非所矜聖人未可學流俗只愛身不與睹
奇行曷以激天真房君農家子幼事牧與耕愚不讀詩書朴
不愛聲名炯炯一腔內但知父母恩親在與俱活親亡不獨

生一割動天地

先以母病割股

再割泣鬼神

繼以父病割肝

忍痛從父役臥

創趨母嗔卒亦歸全受豈虞佑窈冥

孝子仆于地扶歸裏創臥數日後自愈數年後

以病

至性有如此其他寧具陳彬彬衣冠侶熙熙草墊氓孰

無毛裏愛孰無孺慕情孰能承厥志孰能養厥躬隨分盡可
勉所難葆赤心房君何如者思之淚盈巾惜哉自毀傷不得
邀

恩綸予爲詩錄乘愧慕有餘忱書茲表墓碣千載感行人

謝

旭

字東寅江都諸生居北鄉之黃珏橋與吳秩三寅爲詩友著遺閒偶集一卷

廿四橋望月

西城高處夕陽紅隱見樓臺倚碧空金柳層層搖夜月玉簫
隱隱遞秋風橋餘斷石雷塘路人過寒烟帝子宮多少繁華
徒轉眼不堪翹首暮雲中

焦氏別業

曲水環深宅春來致更幽花光侵客袂翠影落茶甌談劬能
驚座敲詩豁倦眸只因良會少欲別又淹留

方願瑛

字符白一字石村安徽歙縣人寄籍江都初守河
南懷慶有政聲懷人呼爲白面包公陞江西贛南

道以內艱歸

服闋補廣東惠潮道值潮州大饑遽開倉
世宗憲皇帝優詔褒之且下其法于他州

救荒

陞廣東按察使以事繫獄乾隆元年
爲雲南迤西道卒著有石村詩藁一卷

荒院

荒院無人到經旬草又齊佛燈沈雨暗鬼火入秋低拋食爭
朝雀謀炊及午雞棹聲來復去直在短牆西

杜

銘

字融西號邁門廿泉諸生居湖濱之杜村稱黨稱
爲篤篤行著潭北莊詩集四卷五言如風向樹邊得

春從花裏歸人靜犬巡月霜寒雁殿風見鹿議仙氣聽
泉空世情別棹晴波遠歸途芳草多意致幽遠七言云
綠窗時聽三更雨黃卷常消半夜燈滿牽
蘆架豆花紫高掌鸞塘蓮葉青亦佳句也

暮春卽事

門掩垂楊路春歸換物華矮簾延近綠隙地補殘花風細畱
香住苔深蔭日斜閒中撩午夢啼鳥隔窗紗

春遊近郊

洗雨山容靜含烟樹色迷草侵村路仄水益野橋低蝶夢依
花短雞聲到午齊放閒何所忌樽酒自提攜

劉國徽

字禹美號後齋寶應人康熙壬戌進士官鴻臚寺卿著有碧梧翠竹山房詩鈔吳江潘稼堂未爲墓誌云君諱國徽字禹美世爲寶應望族考士壯贈通政司左參議母喬氏侍讀石林其舅也侍讀愛君穎敏復以女妻君君年二十五舉於鄉三十登第選庶吉士閱三歲授戶科給事中明年遷刑科都給事又明年典試粵西未復命丁贈公艱服除補戶科都給事居六年擢通政司參議又四年歷督捕理事官改鴻臚寺卿以疾卒官年四十八其在戶科嘗建言民間田畝有大地小地上中下地之殊起科輸稅或二三畝當一畝或七八畝當一畝蓋土有美惡高下田有寬狹肥磽自

古則壤成賦不能強之使同也今賦役全書所載或田

少而賦重或田多而賦輕卽以揚郡言之高郵田三萬
五千餘頃額徵銀四萬一千餘兩泰州田九千餘頃徵
銀四萬四千餘兩應田二千餘頃徵銀二萬四千餘兩
千餘兩寶應田二千餘頃徵銀二萬四千餘兩非泰州寶應
之田視高郵興化少至三倍而賦重也至三倍則一
也泰州寶應乃大地而高郵興化乃小地也小地則一
畝爲一畝故賦輕大地則數畝折一畝故賦重而全書
不爲明言其故史胥緣以爲姦愚民以小畝而輸大畝之
賦者有之恐異日有借言清丈欲以一畝作數畝民何
以堪請折數具載書中以垂永久諸臣將天下田畝等
則詳覆折數具載書中以垂永久諸臣將天下田畝等
有寢議其在刑科則當秋審朝審時取各省所上君疏出
乃寢議其在刑科則當秋審朝審時取各省所上君疏出
覆官民通曉往時以一反其在督捕則詳考則例布之
俾案爲市取所歷州縣官職名待劾者弊不勝詰皆別
除之由是督捕享簡案牘濶稀部議乃裁其官併歸兵
部而改君鴻臚凡此皆君政績之可紀者君性寬和立
心行事一切依於厚自未第時已能存濟諸親黨既得
祿疎戚貧宗無不收卹與人交始終如一折節寒素未
嘗以貴驕人稱人之長覆人之短如弗及雖
早達不悞於學刻苦爲詩章有集若干卷
送吳楞香祭酒

子假省親卽東同門諸子

汝夔教胄帝命諄周禮典樂司成均明倫講藝羅俊彥古來
師氏難其人

天子崇文愼茲選聰明威重遴儒臣太學相沿傳故事破除
積習規模新憐才一心失貞白寒門下士無沈淪園橋濟濟
見填咽珊瑚網底收奇珍韓愈文章仰山斗鄭覃聲望兼絲
綸胡爲故園動歸興一朝解珮辭

楓宸黃山白岳瞻子舍入告臣有高堂親平生所學重根本
陶冶六藝歸人倫如斯制行礪末俗直欲表率先吾身我慚
荒落親哲匠時抱疑義相咨詢每看戶外絕請謁不似馳蓋
紛車輪憶昔程門數兄弟幾年落落星疎晨但有嗣宗趨柏
府謂阮子將猶滯江淮濱謂許時巷嘉作者隴西公子至謂慕蒙陰

臨邑來張陳

謂張禮山陳揚若

含香次第上丹陛製錦尚待紀與辛

謂季野亭辛祇傳

故人方來君獨去一樽別酒愁城闔人生聚散偶

然耳家庭至樂由天真小人有母闕侍養朝朝黃闔空逡巡

送君不獨感離索東門悵望飛紅塵

立春後一日和王方若用東坡韻

晚風料峭雪欲晴黑雲脫壞奔遙夜客來小閣簾乍褰坐對
寒蟾掠簷下淒清天宇眼倍明香發春醅恣傾瀉星搖火樹
花競飛欄壓酒人樓半亞燈市百枝買須夥羲和一鞭去不
借今朝東面忽受風昨日窮陰已告謝換歲難追竹馬年安
心且閉蝸牛舍世味嗟誰薄如穀佳境從人甘似蔗次公醉
後任底狂坡老醒來無可怕當筵快讀元旦詩嬉笑不妨兼
怒罵

劉師向

字封事號蒲塘寶應人國徽長子康熙辛卯經魁知四川江津縣廉能有治行內陝員外郎未赴卒

著有蒲塘詩文集

秋夜渡揚子江

浩淼清秋夜金焦相向明亂帆揚子渡遠火潤州城風定鈴
無語江流月有聲遙知香海內大地總浮生

和陶子師贈別韻

風吹江岸雨絲絲送客言隨沈鍊師爲到紅亭賒酒處能忘
明月下山時雲生古道行人失鳥帶斜陽去馬遲握手臨歧
懷舊雨西窗剪燭與君期

劉師恕

字秘書號艾堂寶應人國徽次子少受業于方望溪爲文有法度康熙庚辰進士以庶吉士改檢討

主考廣西提督河南學政補右中允左諭德右庶子掌坊事翰林院侍講陸國子監祭酒擢貴州布政使陞通政使兼吏部左侍郎兼署順天府尹授都察院左副都御史順天主考授工部右侍郎轉禮部右侍郎協理直

職總督事進更部右侍郎改內閣學士兼禮部侍郎充

福建觀風整俗使告病回籍調理因事被議

子翰林院侍讀學士以乾隆丙子年五月十五日卒年

七十九歲黔省僻在萬山中苗蠻雜居俗獷悍易叛時

巡撫准部丈量陞科之檄議欲奉行公謂清丈必擾民

侯有訟田土者飭流土官行之聽之惟禁私販而已由

釐定之令公曰價定則愈昂且聽之惟禁私販而已由

是價頓平陸見時定則愈昂且聽之惟禁私販而已由

任者以直隸永定河決薊州豐潤等處疏劾公而公顧

力薦之南籠兵蔡成貴對時蔡方密疏劾公而公顧

莊頭人凌虐貧民捕治之奏劾前督李紱倉穀交代之屯

清奉不數年天下吏治肅清社稷內外大臣若能如此

一貴平後偷渡一事尚為害福興漳泉居民貪臺地肥

恩

時

由

督

顧

屯

不

能

如

此

朱

革職十六年
南巡賜侍讀學士
衛著有賜穀堂詩集五卷續集一卷

由獲鹿入山過井陘五十餘里石徑窈窕民俗淳古可愛

好山不遠來小小先點逗道路初坡陀沙礫相雜糅百里漸
西轉羣峯忽東首抱城走回環破雲聳孤瘦崎嶇策馬前合
沓如我就曲曲入幽深層層出奇秀一綫折潺湲千丈落颼
颼懸崖瞰將壓怪石怒欲鬪高盤若飛翔低赴似馳驟終年
苔蝕皴萬古風吹皺分日餘光照仰天一痕覆蒙翳失徒侶
逼仄窘邈迤不惜登涉勞喜挾蘊蓄富歷險知晉強遺俗覺
唐厚畜牧輕虎狼人居慣巖竇簡古義皇上憂思蟋蟀後細
雨過松楸寒烟表節候蠻榼上青塚寒驢控紅袖幾朶竹籬
花數聲麥壠離解鞍憩茅檐閒步循翠岫採風徧邨落執禮

兼老幼日落數雞犬火出迎耕耨斯民自淳朴吾徒或紕繆
欲滌塵垢心一物山泉漱

過靈石喜晤陸昂于同年

浮山常入夢琴上響泠泠何意過汾水相逢此驛亭羣峰涵
澗碧高柳抱城青瀟洒春風裏征車半日停

仙霞嶺

嵯峨當驛路顛倒憩禪門冠蓋闕人速雲山托佛尊誰知松
品秩但見竹兒孫老病重過日行旌帶雨昏

弔總制范公

一劔酬

恩易三年繫獄難畫煤攄義憤獄中作詩擊械見忠肝遊撫
政求見公以鎖械擊氣阻閭雲暗魂依海月寒田橫多死士
之曰吾恨少釋耳

腸斷白衣冠

劉師寵

字越清號榆莊寶應人師恕胞弟貢生任直隸州州同終清河縣主簿著有玉山草堂詩藁一卷

病瘧

爾顛頊之子頑且癡坐使炎帝百草無由施寒如今我裸
袒抱冰雪熱若置我釜甑加蒸煖昧我蚩尤五莖之毒霧震
我朱亥百斤之神椎爾徒索食得幾許胡乃恣意百所爲詛
神罵鬼出下策投軀委命憑庸醫杜陵糟粕烏能相唬嚇子
璋觸體赤血空淋漓或恐百年如夢倏忽盡假而五日不汗
吁可悲古來有人曾哭老聃死世閒無竹可替長房尸我命
在天不可奪死何如生焉敢知門前荷花萬朵爛如錦火急
盪船買酒澆新詩

登大觀樓

我來釀酒弔羣雄目送茫茫逝水東
天塹魚龍回蕩潏神山金碧寫虛空
雲垂海國千帆雨日落江樓一簾風
淺渚不波舟不繫故應多讓狎鷗翁

由玉泉寺至靈隱道中小憩

小溪背負綠玉杖瘦翁自跨烏皮鞵
葑田涼蛤吠白水松寺蒲牢鳴翠烟
晴驚雲瀑破山出天落虹梁絕澗懸
汲僧弛擔楓根坐借與木瓶嘗野泉

劉冠荀

字頴川寶應人師向子年十三以雁字詩見賞於學使者補博士弟子員十五食餼善作文工楷法

九善雙鉤性孝友父卒江津聞計數千里匍匐奔喪奉
櫬歸葬以哀毀源血致死年甫三十鄉里戚黨無不歎
悅著有翠

蔭園詩鈔

登文筆峯南望有懷

山到最高處登臨獨悵然
葉黃秋滿地雁白露橫天
世事浮

雲外鄉心落照前何當逐帆影飛渡海西邊

劉傳馨

本名啟字最魯號旅齋寶應人師恕次子以貢生授詹事府主簿工書畫著有辯歷代畫法宗派

說愛蓮居士詩

稼同樓晚眺同筠樹

落日下平楚高樓納遠風人來飛鳥外秋老稻花中萍梗家何在田園計又空悲歡無限事茲意與君同

劉仰桂

字東麓號象林寶應人師寵子郡學廩生居柘溪二十年著有真意堂吟草一卷

由下天竺至上天竺

路入三天竺禪林貝葉薰香花千塔共鐘磬四山分佛屋依丹嶂僧房臥白雲欲尋溪盡處空翠落氤氳

劉天麟

字仁趾號青嶼寶應人師寵孫內閣中書方長子終於諸生著有青嶼詩藁一卷

述舊示二女

瑟瑟淒風吹暮雨打窗紙寂寂孤燈下骨肉我共爾爾父作
楚遊何時返鄉里家貧乏僮僕應門惟老婢幾番驚剝啄不
見來雙鯉往事不堪追一一如在邇失怙我八齡吾弟六齡
耳祖母誠吾母存孤良勝死我母閱艱辛四十年於此年饑
籌養姑肥甘資十指漏下課兒書勤惰爲悲喜姑歿哀禮全
賢聲流桑梓逮後昏嫁成老母漸衰齒更憐爾母亡撫爾不
離咫爾父館郡城授餐聊適彼前年歸老屋團樂招爾姊爾
父雖出門不日可榮仕未幾爾姊歿爾母悲無已高堂憐病
婦命爾日看視客夏爾父回幸得一官美卜吉挂江帆舉室
歡迎社昊天何不弔忽降青鸞使爾母逝從姑地下侍寢起
荏苒秋復春流光去如駛夜深江上寒念我同懷子

劉

全

字槐叟號僊實應人冠荷
子郡增生著有期山詩文集

踏春詞

曉春烟柳正纖纖
舞倚紅樓壓翠簷
好是賣花聲過處
玉人親自捲珠簾

劉履恂

字迪九號鳧鄉寶應人乾隆丙午舉人授國子監典簿卒於京邸

贈喬暄亭

秋風翳陽景
流水迴且深
之子不諧俗
結廬南山岑
茅茨隱叢篠
石上橫素琴
木葉落空澗
涼颺吹衣襟
興至一再彈
詎言無知音

棲霞寺

杖策尋初地
欣然慰所思
烟深紫峰閣
秋老白雲祠
曲磴僧歸晚
高巖月上遲
松風漾清磬
趺坐渾忘疲

荀卿

祭酒無端欲救時去齊奔楚果何裨功名進退隨黃歇學術
源流悞李斯千載蘭陵徒作宰萬言金匱詎堪師著書枉比
三騶子難與鄉人傳竝垂

劉兆彭

字述民號野塘寶應廩生著有奉石山房集

打魚詞

朝打魚長湖去暮打魚長湖住去住長湖年復年生涯惟賴
打魚錢打魚湖上多風雨扁舟來往不言苦西風剪剪雨絲
絲一笠一蓑知不知漁翁少小慣打魚水如平地船如車但
願賣魚買得酒蘆花醉臥長蘆蘆網集澄湖濛清泚萬頃疏
璃收不起少婦停橈向晚炊烟光散入葦葭飛夕陽杳杳隨
波沒十里露華香未歇何處鳴榔夜半歸櫓聲搖碎湖中月

程文蔚

字豹南一字肅村江都人康熙甲子副榜貢生修文縣知縣

渡河

袁浦開帆水正平
南風五兩渡河輕
波分鮫室鍾吾驛
樹繞龍亭下相城
落日向人低薄暮
浮雲隨我滯孤征
心驚桐柏交流處
不見長淮到海清

淮海英靈集

鄉人阮元輯錄

王

易

字慈峩江都貢生有自贈詩云壯心欲試常調馬習氣難忘是著書趙秋谷稱其詩窮穴唐賢不趨

時尚雍正癸卯卒年七十六著懷孟堂詩一卷

輓閻徵君百詩

若璩

遠寄雙魚憶夏初知君善病正愁予傷心適易曾參簣感夢

先呼范式車

余於先生屬纊之夕敬之夢兆

老去難忘知己淚人間誰續未

成書

著有尚書右文疏證

樓頭若問山陽笛絕調於今寄太虛

許承家

字師六號來菴江都人給諫承宣弟康熙乙丑進士官翰林院編修方循資遷坊局以兄老里居乞

歸著獵微閣詩集一卷

書梁芷公齋壁

昔芷公偕余北行歸自淮上舍車而舟過長湖暴風作舟人驚甚余強爲芷公

書古格言數百字以廣其意今過其所居適復見之感而有作

馳驅二千里齊魯隨車轍岳勢接平疇蒼茫山石裂歷歷古

賢豪顧盼驚魂魄牛馬襍征鏹弔古氣空結淮水湯湯流忽
復理舟楫片颿疾若駛巨壘驚沙磧據櫓下長湖魚龍歛出
沒左顧波洶涌右顧壁突兀乃信遠行人歸路休倉卒定力
達天人狂歌敵崩濤申紙強揮豪豈畏蓬窻窄摩挲壁上書
寒風猶凜冽

懷家惕菴老人

慈仁松下老儒生相對掀顛淡世情跋燭傳杯人一斗聞鐘
校字月三更自從漢洞催歸客遂使燕臺速去旌昔日連牀
今異路可能秋露共蕪城

郊居述懷

性僻甘彫謝狂吟近水鷗餐花眠石上洗研坐磯頭梅礙重
檐雪梧荒古寺秋試看漁釣穩身世莫他求

許錫齡

字鶴年
江都人

臨臯亭

何處臨臯亭江干對杳冥
遠山沈霧白小艇放烟青
芳艸邱遲宅蘋花柳暉汀
遷居應有句鴻雪幾年經

許昌齡

字眉右江都人編修承
家子著碧庵亭集一卷

懷楊安城先生

萬里重關見面難
考槃何處碩人寬
望中沙磧天無際
思入松陵水亦寒
雲影當空易零落
烽烟幾度報平安
玉瑤杯泛何年事
閒倚西風翦燭殘

許迎年

字毅士一字荔生江都人鄉飲賓承宗子給事中
承宣姪康熙丙子舉人庚辰進士官中書舍人魏

周琬稱其詩于曹劉陶謝杜韓溫李無不學而融液于
己之性情今玩其詩長于側麗故香奩諸作最工所著
有槐墅詩鈔四卷妻徐淑則清獻公季女著綠
淨軒詩工麗絕世荔生園中倡和之作尤多

淮海英靈集

乙集

卷二

二

齊厚看再涉其節

綺寮園林細雨昏
畫長人靜掩重門
文犀低押風聲軟
寶鴨微熏篆影溫
醉竹似垂湘女淚
殘花難覓杜鵑魂
幽齋消受閑中況
好檢芸編共討論

送春

過眼風光綠已芟
怕看眠柳剩毵毵
愁深盡付紅螺釀
寒退初尋白蛤衫
蜀魄有情思望帝
花魂無著倩巫咸
魯戈不挽虞淵馭
來歲重逢恨已緘

月夕漫興和淑則韻

皓月耿良夜
花陰露濺衣
護雛聞燕語
繞樹見鴉飛
下箸莼絲滑
堆盤豆莢肥
一樽欣共把
寂寞掩荆扉

和淑則園居病起作

一病經春意索然幾時不到小亭邊
花殘幽砌堆紅雪鶯鷓垂楊破綠烟
輕暝未成連日雨薄寒猶怯晚春天
方池新漲游魚樂興寄濠梁秋水篇

春閨詞

漫啟菱花七寶奩春愁橫壓兩眉尖
庭前一任桃花放繡閣春寒不卷簾

水沈香燼冷熏籠寂寞黃昏閉綺櫳
羅幌照殘清夜月湘簾吹透落花風

心事淒涼靜掩門梨花滿地鎮銷魂
畫欄倦倚憐春色親把金釵記月痕

春閨詞和韓偓香奩集韻

想從恨處歡還在思到歡時恨已亡
春掩重門人寂寂落

和雨下池塘

望中新綠暗谿橋香徑行來草沒腰燕子不歸春已老柳絲
牽恨一條條

夏夜偕淑則小酌

雨歇涼生見夕曛晚鐘風送隔牆聞檐前滴翠皆因竹江外
奇峯總是雲螢點疎簾爭燭燄花殘小徑繡苔紋闔中德曜
吾良友小酌湘吳細論文

贈孫惟臣隱君

徵君家住古雷塘杖履優游樂未央纁帛久辭公府辟烟波
閒占鷺鷥鄉歡呼野老雞豚社服食仙人玉石方最是佳兒
才絕妙官梅句好似何郎

晚晴有憶綠淨軒

山色鬱崔嵬天晴宿霧開
鴉隨雲影沒波盪月華來
泥酒將愁敵尋書作睡媒
蓮花開曲沼畱待主人回

許

謙

字損齋儀徵人詩學韋白溫李諸家晚年手訂二百八十首子珩字楚生錄爲破硯齋詩鈔一卷

古意二首

酌君琥珀杯贈君珊瑚鞭
送君出門去君意頗畱連
一去經三載妾心思脈脈
昨聞鄰人語君久致喜
貴鄰人爲我怒我反爲君
諱君之富貴妾之願君終
棄妾妾不怨出門所見誠
可恥腰閒寶劍迸秋水幾
回欲拔行復止此兒齷齪
何足死斯劍一污安可洗

人定

人定羣動息夜久如涼秋
皎月失河漢天風吹女牛
草光連露白螢火入檐流
冷夕是何夕茫茫生我愁

高

巖

字山公如臯人由軍功授戶部江西清吏司郎中前知廣東永安河南孟津縣事工部虞衡司軍功

加十九級
正一品服

荅兄

憶自束髮始嚴親授句讀勉我作良臣期我以名宿乙卯耿
孽動行間蒙甲冑相從西域征戮力殄渠寇

天軍若貔虎犬羊安敢鬪疾風捲殘雲小醜咸授首微勳邀
隆眷叨職佩墨綬

君恩優渥深天地比高厚一身許報

國自分效奔奏所嗟子職虧就養違左右忠孝雖難全內省
寧無疚蒼蒼疊遠山鬱鬱多危岫白雲望吾鄉天遠不能就
昨兄尺素來醇意如飲酎道親屬望深責子以不朽自顧功
烈卑敢復期垂後惟此赤心腸持以報我

后春風野草新春意梅花舊寄語兩兄弟爲我酌言壽

國恩不敢忘親心不敢負高堂暮年時心宜空諸有無爲遠

遊子結結復糾糾

高

溥字赤水如臯人由貢生任潛山安東教諭陞山西沁源縣知縣安徽鳳陽府同知

客行二絕

悠悠策駑馬遙遙下山坂颯颯吹禾黍古道秋風晚

客行雖云樂不如守南畝兄弟兩三人雞黍一樽酒

高

清字漣漪如臯人由軍功授北直內黃縣知縣調湖廣衡陽縣知縣三攝衡州府篆又攝衡永郴道又

十攝常寧衡山等縣篆

荅內黃父老

余初令內黃十年丁先大人憂服闋起衡陽令途次黃黃民數萬人迎於途而歌之

曰南風吹雲雲飛揚公車出城聲琅琅鸞鈴絡馬青絲韁上西河外爭趨踰紛紛藉藉迎道旁老幼喘息婦走僮內黃之令惟公良撫綏十載恩義長視民猶子真如傷不欺鯨寡恣強梁片言折獄無跛障鮮有

餘積充橐囊自公一去心激昂思之不得真徇德邀
天之幸來吾疆肩摩趾錯競相望士女紛紛羅酒漿
充門遠勝相持觴公今遠去湖衡陽衡之民慶我心
戕留公無策心忙忙舉杯酌酒所穹蒼願公名位重
輝光願公弗祿壽而康車如流水馬騰驤懷君子兮
天一方公德蕪蕪不可量衡山高兮湖水長予亦就
馬上攬
涕答之

君不見隆慮縣令喬智明當時父老稱神君又不見長葛房
公爲慈父碑傳德政留千古古人治化樂愷愷致令身去風
流在我昔銜

命出

神都墨綬銅章來作宰涓埃未有蒼蒼生其樂

皇恩深似海今將舍爾向衡陽父老涕泣滿道旁香烟蔽空
如塵霧何以贈之心鬱愴願爾讀書時不失願爾耕斂莫相
妨出作入息好生涯無事不可到公堂衡山高高雁峯在時

修音書寄一行

高

謨字禹傳號雨
船如臯人

山行

舍棹復山行崎嶇更幾程兩邊杉木影一路畫眉聲臘似中
春後人忘倦旅情欲求投宿處遙指爨烟橫

顧圖河

字書宣號花翁江都人康熙甲戌以第三人及第
官翰林院編修少負異稟性醇樸嗜古貪書寒暑

無閒家在城東七十里外偶入城必載書滿車古文詞
俳體皆根柢古人尤工於詩每與名流詩酒相酬詞辯
鋒起同里史蕉飲太史稱其詩云具陵跨百代之力而
不傷一門戶蓋盡得古人之師承而自立於宗派後者
元案花翁早年詩特妍秀頗為時稱繼乃焚棄自甲子
至丁卯得詩三百餘首同里汪蛟門比部更為剛訂稱
之云恢奇奧衍盤薄不羈故二公論詩雅趣極合蛟門
卒後花翁用張籍祭昌黎體作詩祭之汪純翁嘗見公
詩序云蛟門之視書宣其殆如韓昌黎之於孟東野歐
陽永叔之于梅聖俞歟所著有雄雉齋集六卷其齋又
名華蟲

別館

銘座十章錄六

樹當鏟惡木草當薙邪蒿邪蒿生無根惡木日夜高牙蘗苟
勿翦斧柯將重勞拔根絕其蔓寸地勤鉏薊耨學而種仁惰
麻非賢豪

祛妄

西日難爲繩東波難爲翦虛生與浪死志士懼不免鼎鼎百
年內一瞋不及轉誓言敦素業渴心慕先典孤生幸有聞雖
晚豈辭勉

惜陰

保國釋外懼攝生畱小疾朽索馭羸馬徐行百無失中疎固
其衛獲少靳其出割慾如守疆謹身如縛律不讀黃老書淵
冰宜戰栗

攝生

善走須得途斜徑不可行善博須得虛不關人力成達人期
任運世路誇趨營百慮輸一妄百巧轉一誠不見信天翁亦

得全其生

任運

君子如春風可愛不可竭
小人如酒顏但得暫時熱
急絃莫浪彈一彈絃一絕
市交莫浪交中路難團結
惟當同心人可

與論金鐵

息交

百觚聖無量三爵禮有考
誰云飲狂藥而可通大道
墜車幸無傷不如安坐好
飲酒但飲和玉山推不倒
莫造無功鄉是中非可老

止酒

汪蛟門比部招集十二硯齋次宗丈梅岑韻

中春日在奎旣望月離畢溼雲苦如鬢陰魄那照膝困欲酒
爲年悶對詩過日轉覺增頭風坐憂生腹疾忽此枉折簡霍
然起投筆況聞二仲聚何惜雙屐出曲引穿修廊規方徑斗
室吻燥嘗喬酒手香破盧橘天愁稍開霽人歡失寒栗銀絲

鮮鯽美碧縷嘉蔬苗數行爵無算一取醉爲率酒糾嚴有政

詩筆峻如律偉觀驚愚蒙淺衷昧深沕炎炎五字城蕩蕩萬

里漆公誠霸壇坵誰敢鬪篇帙門生妙春華謂阮老友茂林

實謂宗連枝更挺拔二華竝翠律謂叔諸君互唱酬賤子但

傳述神驥不易追跛牂恐非匹將詩乞砭鍼如病待苓朮東

帶辱昌黎探囊愧長吉幸因禮數寬頗叨往還密宿醒苦未

消醉語怨野逸

附汪詩幽禽耽高翔觸攬遠羅畢野鶴落近玩沾泥沒蹀
膝所以塵外人樂此山中日愛酒思無功狂吟念兼疾邈
矣骯髒姿偉哉澹蕩華如何數百載此輩不一出新雨才
及階吾子儼入室咄嗟合蒸瓠荒怪欲剖桶譚者神彩張
聽者毛髮深軍聲正唳唱章句鄙軋苗嘉賓自謹慎賤子
媿草率差堪作酒頌未敢犯詩律妄語空飛揚精理木潛
物澄懷觀惠濼高文契莊漆年來學捐書近且志焚帙有
客狂尺素勸我斂華實何殊立培塿而乃仰峯嶽不才甘
浮沈下列慕剛述庶幾陶謝羣敢冀聖賢匹春翦一畦
秋釀十畝穠約已聊遠災寡辭或爲吉景光相雷連鍾楹

任稠密署銜稱老
狂招隱峇遺逸

再疊前韻呈蛟門

狡兔不投罟騶虞反罍畢許國悲乃心還家審容膝易課柔
剛辰書分雙隻日文成半解嘲客過常稱疾奈何經國手更
弄經生筆吾道在有守斯人豈虛出精銳錐處囊光芒劒離
室孤類當門蘭貞非過淮橘側足機穽危回頭心膽凜樹凍
亦已花草枯亦已苗大運有轉移達觀恒坦率詞場建旗鼓
韻語協鐘律鑿險開洪濛蘊真含穆洵信矣唾成珠矧猶髮
如漆竚當列旂常匪惟光卷帙譬彼梅有花終爲鼎中實文
章苟彪炳功德竝翠律逢時幹造化希聖續作述漫云月露
委僅與齊梁匹學圃當執芝飲醇當餌朮守雌卽可師居謙
動成吉金相粹而堅玉德纘以密螻屈毋嗟吁龍驤會超逸

奕旨

讀班固奕旨廣而韻之得二百字仍以命篇

楸枰地分井玉子天布宿會戲敞閒軒膈膊敲清晝覲面藏
險艱癡坐逞格鬪眈眈目未瞬兀兀手頻袖當敵轉神迷旁
觀欲色授爭死宵饒先鼓行防躡後多貪輒厚亡小棄恒大
就陷圍賈拳勇奪角伺罅漏手籌權死生株坐駭枯瘦湘東
一目敗南塘屢劫覆珠探驪領深子得虎穴驟偏師務芻擊
近攻先遠逗設伏誘驕騎開壁縱窮寇垂成忽中變一失或
不救隍鹿幻有無塞馬難諦究諱敗仇豈平狃捷怨益構得
著衆皆驚悔誤誰請又繙圖悟機格覆局正紕繆苦戰忘飢
疲熟視反眩瞽虜成一偶然收奩倒醇酌

村巫賽神曲

椎神鉦搥神鼓鉦劬妖譌鼓助舞披髮銜刀神降語須晴卽

晴雨卽雨高原多黍下多稌牛生兩犢羝羊乳雞鶩將雛不
可數老翁跪領巫所傳神之福我將無然大肉硬餅堆滿盤
渾醅魯酒澆如泉但願年年作秋社村巫醉死神壇下

初夜過右周天寧寓舍

君來城北寺興到偶相尋襪被寒房客香燈獨夜心疎鐘僧
罷課初月殿斜陰鎖鑰能遲下何辭話瀟深

來詩有嚴城偏
早閉起別意何

忙之
句

荒村

荒村仲冬月晚日暴寒天凍雀蹲簷密風鴉鼓陣圓老盆深
注酒短褐厚裝綿何似幽燕道霜華犯馬羈

臘月十六夜赴東鄰酒會

缸面酒初熟鄰翁邀暖寒菜經冬更美月過望仍圓徂歲如

弦急深杯抵海寬荒村無一事莫惜罄餘歡

次韻題汪叔定抱耒堂

襪襖爲衣笠當冠纜車秧馬挂簷端一方翠毯春苗短萬顆明珠夕露寒相印爲無田二頃侯封差抵竹千竿農家富貴元應足未信眞能老不官

立春

如此頭顱羞彩勝更誰纖手送青絲幾年毛褐但仍舊今日菜根聊及時淡白小梅爭雪意嫩黃垂柳試風枝眼前已見春光漏且蘸狸毫自詠詩

注北阜覺堂史蕉飲見過荒村看桃花淹留信宿宗丈梅岑亦至自東原同集者爲荆慈衛阮月樵湯石臣限

用禡韻

輪蹄錯奕衡門下鄰媪村翁各驚詫東家孺子彼非賢長者
何因枉高駕呼奴掃地排窗扉延客升堂攝衣謝兩年剋約
誠久要百金信諾非虛詐

歐詩遠客千里至信士百金諾

滿堆三韭代饕餮

雜燒四和充蘭麝松明當燭夜燃檠蘆灰壓酒春流醅推鉤
送盞勸不休徵令飛籌興難罷選徒排當各分曹罰爵縱橫
互乘罇玉山不倒誰能推白波席捲初何怕不嫌多酌次公
狂那有行觴灌夫罵風吹酒戶香滿鄰雨壯詩腸句驚夜掃
牀拂席聽未了晴光曉色來何乍借騎鞍馬邁村行更挈幔
亭隨地架遠近緋桃爭入眼歷亂頽霞儼相射穿林連臂踏
紅茵隔溪搖艇呼黃帕邀嬉真作武陵遊譁叻竊恐秦人訝
晚樹啞啞栖已定歸路狺狺行且叱封家莫妬陶氏姝明朝
有興還乘暇

二百四十本梅花歌爲喬石林侍讀賦

屋角梅龍大盈抱爪尾騰拳向人倒年來花眼被苔封鳥啄
蟲芽半身彙小株三尺如嬰兒養護未成猶襁褓人閒何處
梅花國空阻寒裳被花惱安得幻爲倒挂子兩翅翻翻撲晴
昊亂雪堆邊活一生粉蘂沾翎香貫腦瀛洲仙客姑射姿傾
家買得羅浮島千夫雷動連山移開花如海粘天縮魂翻眼
倒迷西東化作玉虹紛萬道捲地風來香一城落英飄霰家
家掃先生拄杖入深叢獨把幽情靜中討無心洒掃待麻姑
哦詩要壓孤山老此花骨性天下奇雪打風欺渠自好山礬
水仙真妾媵野杏溪桃只備保不嫌窮士攬詩材那許庸工
摹畫橐峭帆欲訪苦不早青子纍纍徒悔懊仍當借騎果下
馬繞林百匝穿芳草

六月望夜月下作

空天一色青無瑕金盤擲出天之涯纔高三丈忽破碎亂竹
虜蔽枝交加碾空徐行無轍迹杲杲正曬南窗紗細蟲翳翳
見翅股蝙蝠飛掣如白鴉斗牛注眼尚不辨何況小星紛撒
沙千年老槐布怪影滿地散走龍虬蛇枝間乾鵲夜不睡兩
翼脰膊聲查查時平村市撤更鼓麗譙若近當三搗何人吹
笛起前浦疑有水仙浮小槎活灰瓦鑪蒸柏子香氣撲鼻青
烟斜此時渴酒渴欲死沈瀝點滴誰宵賒急抽霜刀削碧玉
頰盤爛漫堆紅霞齒牙冷冽甘且滑水液灌腦翻河車倒身
酣寢涼露下魂飛直闖姮娥家琉璃百頃洞毛髮凌漢不駕
空中槎玉斧丁丁斫桂樹落葉蹴踏香滿鞞縞裙素女四羅
列骨輕步窄容蓮花願我微微粲皎齒不記童顏雙鬢了偷

騎玉蚪弄雲霧遊戲下捉金蝦蟆胡然狡獪不返顧仙骨雖
在眞形差試聽霓裳洗塵濁此曲莫向人間誇明朝拔筆諱
不得但戒俗子毋囂譁

草堂對梅樹作

詩興復不淺梅花何太遲由來孤賞意不在滿開時香奪風
霜出春先草木知極寒舒一瓣何必向南枝

投堯峯汪翰編用昌黎薦士韻

清都直巍班玉局典眞詰幾時塵濁閒敕遣騎雲到至今殿
前銜尚帶仙蓬號盪胸浩淵海萬派日疏導手持雲漢章口
叶薰風操混茫追正始卓犖振衰耗冥搜破郭廓元覽洞幽
奧戛然九臯鳴一洗衆禽噪殘膏及臙馥或被羣兒盜紛紛
競騰踴不足當躡蹈大雅寢已微勃興一何暴譬彼十仞牆

誰敢窺窳翼亦猶千里足莫與競雄鷲道高日益孤俗遠自
殊好或者昧狷介而謂多媿寡掬手挹東海曾不加涸潦側
聞講席開有叩無不報天河灌百川陽燧給萬竈豈惟豁聞
見足可矻噴眊渴心劇飛塵蓄久不勝躁誰言生苦晚幸及
公未耄笈囊千里負霜露兼程冒下根至頑鄙野性實惰懶
未能就招呼況肯事請造恭惟大賢姿陶鑄等覆燾疾疚仰
醫門庸弗加矜悼素絲近朱藍緝采成織縞侵晨執掃門典
謁會當告投章冀束帶加禮容著帽幸不見擯拒庶以慰戀
嫠學詩根柢疎蕪穢自擷芣曹卽喻鄙淺或僅比膝部深慙
鬻鼠璞豈曰銜圭瑁結束整壁壘指揮聽旗纛一字華袞褒
私心默相禱鵠雛在殼殼魯雞易爲拖鷁首滯灘潭天風易
爲漕觀面失師資空增後追悞願分全鼎潤稍出一鬻犒平

生死文字辛苦用自勞

酒後呈蕉飲庶常

前身合是荒山僧見人木強如癡蠅史君於我乃何取曰此
可愛非可憎結伴相尋不辭遠從輿出郭當時曾滿邨紅桃
風敗盡屋頭雨脚熾於繩賭詩聽雨夜不睡吟聲出屋更相
磨汪侯老筆健如虎君更快若秋空鷹死生貴賤誰料得詩
人邱墓高陵嶮君披褐衣走別我歸著宮錦高軒乘文章有
神豈不信妬口妄說天慳慳嗟余只合安蹇劣梯雲萬丈何
由登荒廢山田弄書史顛躓窮餓吁可矜世上幾人談故舊
貧交滿眼皆羞稱看君意態迴流俗與昔未達無虧增胡然
嘖嘖被讒訪從來斥鷃欺鷓鴣彼自簪籬誇觜距君自雲海
憑掀騰鄙言挂口吾過矣得酒且醉今猶能惜君欲飲不蘸

蓋助談曷不加三升錫山名泉香且冽花豬旋割魚新罾炮
煎方法盡可口盤盃花樣俱時興主人自醒客自醉口吻一
種生鋒稜說虎崩騰雷吼屋說鬼慘淡風吹燈葫蘆撒徧了
不忌僮僕失笑何須懲月轉虛廊夜如水天雲幻作波層層
安得一笛橫素手吹徹雲月空天澄更深柝柝不聽去脫復
食頃朝陽昇少年努力縱談笑用杜莫待鬢雪垂髣髴汪侯
已臥蜀岡底頗覺地上無高朋兩人興到有狂詩詩成莫使

人鈔謄

附史京邸寄荅詩誰能花雨尋名僧誰能拔劍驅蒼蠅賞
奇易敗俗物意好妙反被么磨憎眼前顛子才橫絕古有
其人今未曾獅兒踞地吁堪怕神驥脫韁誰敢繩絲孔啁
啾易悅聽霜鐘鐘帶無人磨猛思焚現且壑筆徑欲逐狗
還呼鷹有人怪我意色惡五岳方寸原峻嶒倚子豪極氣
益鼓看余興到狂堪乘前年拉臂大橋市春陰月黑天如
曹江口百步風霧亂岡峯窈窕無由登我輩要須妙胸次
臭味竝合非驕矜山川文史亦底物不遇眞賞皆虛稱雙

九易去人易別吾學不殖毫無增君名益大厚根柢何異
擊水南溟鵬羣公已許霸壇玷睥睨一時容蜚騰久知通
顯君自有所惜推引吾無能蕭然冷局涸鉛槧日竊廩祿
謀斗升海邊似爲鷗所畏寒潭豈有蛟可骨脫非故人於
我厚看餓隸寧能與坐此結習刮磨盡鐵可繞指舩無
稜里居二載君所見銜杯時共秋堂燈磨牙吮血橫被噬
吹叢或者羹當懲人生相知不相信朝面咫尺山千層此
心可鑑點鬚釋青天歷歷冰輪澄幾時京雒一聚首丹梯
拾級畱君昇詩成夜半窗影走老樹欲作人髯鬢寒藥二
尺古時鐵摩挲此亦耐久朋照我封書急寄子短幅莫厭
贈

田家

高田彭彭打麥聲低田潤潤水車鳴老嫗執爨婦芼蓴小奴
活捉黃雞烹烹雞未熟團頭坐餅飪何妨比盤大前村酒望
高入雲那討青銅三百箇

銷夏灣

山借林爲妝林因水爲鏡水得石益奇四美難交併是中適

兼之百態秀而靚陰交樛櫟古翠染巾衫淨虛巖隱鹿迹幽
窟馴龍性九莖仙草弱五鬣虬枝硬瑯璚哀玉瀉的皜涼珠
迸白鳥靜翹翹白蓮香柄柄蕭森三伏時不受炎官令正晝
日損威當暑秋爲政夫差昔王吳雄據誇豪橫射鶚上高山
圈虎開深窰盤遊到處畱佚樂於茲更風亭倚礪斜水殿當
峯正至今採菱歌猶聞溪女詠山川歷幾劫林廬更幾姓惟
有嶺頭雲無心亦無競

余患不寐陳山農療以藥酒分其半餉查夏重有詩見
謝次韻奉荅

更深統統應海鬣湖風夜動鳴湖波一身一影撥燈坐破衾
堆壘團成窠屋頭土梟呼不已如擁百怪紛殿呵黠鼠欺人
弄伎倆窻窳四壁生妖魔幾回掣劒激壯氣浩歌狂舞寧知

他雙睫甫交落孤枕四體不關叢百痾遊心蕩逸逐奔馬幻
身輾轉旋枯螺沈沈敝幃垂四角如笈困鳥籠囚鷓明就陳
翁急診視心靈夜氣須調和刀圭未覺寸田潤瓢杓已遣衰
顏醜華胥有路不難到取徑合自糟邱過曲肱漸入混沌譜
調息竟奏雙門歌且當化蝶舞寥廓豈必得鹿藏山坡黑甜
軟飽兩不惡黃雞白日如吾何查生就我分一斗右提不律
左叵羅吟情飲興互觸撥問君所得孰與多待我日高丈五
睡新足看君潑墨傾洪河

雞籠山

筠籃采藥翁導我過雞籠羣木暗如夜孤鴉嘯有風雨留麋
麋跡香得蕙蘭叢不落荒寒地詩材孰與供

集放翁詩次蘭次太守歸湖韻

喜挂高帆浩蕩行飄然雲水不論程尚嫌塵境妨幽致肯信
秋毫有妄情卹酒可賒常痛飲野人有舊得尋盟扁舟來往
無窮樂夜夜潮中看月生

兩扇荆扉數掩籬竝溪穿塢每歸遲客撐小艇招垂釣僧趁
分題就賦詩豪竹哀絲真昨夢晚菘早韭恰當時紅塵朝暮
何時了此老醉眠初不知

偶來從倚草亭孤到處皆成一畫圖疊疊沙痕畱浦岸蕭蕭
秋意滿菘蒲意行舍北三叉路跬步門前萬頃湖聊舉一盃
生耳熱醉中猶攬故人鬚

五百年前賀季真天將閒處著閒身吾曹自欲期千載外物
元知等一塵錦雉白魚供野餉黃雞綠酒聚比鄰醉中卽是
逃名地本避浮名不避人

頻拈枯筆賦幽居歸老林閒計未疎尚憶青衫陪衆傳不論
黃紙有除書壯心耿耿人誰識胎髮茸茸漆不如閱盡輩流
身獨健敢辭老境落樵漁

題苒郎單馬圖

苒郎一稱
佛郎元人

相馬莫相黃與驪畫馬莫畫肉與皮閱盡廐馬四十萬中有
一馬真吾師蘭筋瘦露雪毛繁汗溝珠落紅淋漓弄風跑地
立不定虎氣不受人銜羈畫師熟視縮兩手粉墨飽蘸何由
施心通馬語墮馬腹蹴踢嘶頓無不爲偶然眼中真態現伸
紙急追愁失之至今展圖愛毛骨徑欲呼鞍乘以馳余吾之
水隔萬里造次那得來權奇得非曾駕穆天子七匹老死一
匹遺不然貳師空國獻獨畱孤種真龍兒豈知神行電邁逞
絕足所向不許干蹄追手操長鞭鞭者誰烏靴狼帽解卑厮

此曹那知惜騏驎
拗折項領求馴隨
枯萁三斗強飲秣
破屋一繩長繫維
請看往世珠韉寶
勒黃金虜行隨大
駕飛龍旗鬢翦三
花身印字奚官小
臣不敢騎天育攻
駒香水沐長秋遊
牡清風吹腹飽雕
圖四蹄重十步喘
汗五步疲坐失此
馬荒江湄驢羸駉
駟叢姦欺驤首長
鳴淚雙落借問王
良知未知

秦之俊

字來舫江都人康熙丁巳舉人著有編年詩一卷

和吳蘭次歸湖原韻五首

不須惆悵重行行
曾覓桃源幾問程
世上浮名多變態
眼前舊雨最關情
村春近得東西舍
沙鳥新邀泉石盟
莫謂投閒堪穩臥
其如不出負蒼生

卜鄰幸得近東籬
步履頻過不厭遲
瓦注金尊傾舊釀
紙窗

斑管賦新詩青山結伴從吾好白首同歸復此時仕隱由來
稱落落高懷未許俗人知

閒吹鐵笛海雲孤豈必南溟是壯圖秋水波時聞木葉夕陽
斜處泛菰蒲寒泉勿幕仙翁井夜月平分璧社湖我欲從公
數問字幾回緘酒遣長鬚

拂石眠雲傍水濱年華歷盡賸閒身三條裁製山中服十斛
先消陌上塵菡萏齊闌香到枕薜蘿挂壁綠爲鄰蒲團靜息
如枯木豈有肥癯作戰人

丈室橫琴賦索居交加竹樹儘蕭疎擘窠屢醺金壺墨煮石
頻繙玉洞書脫畧似君誰得似羈棲如我復安如應知此地
烟波濶不是磻溪亦可漁

秦

熙字子寧號鶴汀來敏
子著有詩集一卷

書遺訓後二首

人生無百齡，修短常不偶。慨念父與兄，壽俱五十九。我生今齊年，未卜存與否。卽此已中壽，得天匪不厚。容膝屋數椽，負郭田百畝。辛勤五十年，惴惴先澤守。珍重所畱遺，千金存敝帚。

早生泣孤露，力學苦無成。生兒多不育，門戶誰與撐。兄子嗣爲子，庠序已蜚聲。零秋歎蒲柳，老淚徒縱橫。熒熒餘弱息，負荷誠匪輕。常恐遺緒墜，有忝爾所生。書以示清白，期子成令名。

秦德輶

字子衡，號伊莪，江都人。鶴汀弟。善書法，似張卽之。生平脫畧，不羈。所著夢中遊草詩一卷。

黃陵廟弔古二首

黃陵廟前水拍磯，一雙屬玉背烟飛。綠雲不盡蒼梧恨，冷雨

斜風弔二姬

秋到湘江風雨多九疑如黛奈愁何夜深望斷雲軒影露冷
芳洲杜若歌

鸚鵡洲

翠羽今何在沈沙舊有痕隴頭雲已斷江上賦誰論暮雨憐
芳草荒烟夢酒尊獨留狂骨在千古泣詩魂

秦德亮

字又陶號義飲江都人鶴汀弟幼工文壯而棄舉
子業縱情文酒著有詩藁一卷自來劬至義飲詩
皆序堂太史贊手訂總

為敦素堂遺詩四卷

葉縣

舊封尋應子古堞問昆陽

縣為古應子國
境有昆陽故城

山色黃城晚河橋

渥水長堪嗟巨無霸欲弔沈諸梁遺跡千年沒高原落日荒

陸大珩

字思白號蕊門泰州海岸人年
三十早世著有蕊門詩存二卷

尋呂涼州江村故址

古樹斜陽淡一村閒尋野老話黃昏花堦覓路今無主水竹
編籬舊有門塞港依然飛荻絮斷橋誰復見潮痕可憐一代
詩人地衰草寒烟夜夜魂

吳文煜

字西周儀徵朴樹灣人候補知縣
仕東莞新會縣丞著有詩集一卷

贈四川劉小冉戲用八劉典故

藜火曾逢太乙燃真能說易語便便墨莊消受書連屋酒肆
浮沈鋪竝肩疾手量能容婢獲枕戈才足靖烽烟盛時合遇
鍾離薦莫愛廬山自在眠

劉向劉惔劉式劉伶
劉寬劉琨劉平劉渙

張元進

字嘯門儀徵人文筆峭刻爲沈康使廷芳
所稱著文七篇璣言約記一卷詩一卷

初夏卽事

篔簹千箇蔭窗紗午夢初回乳燕斜晴久未嘗雷後菌春歸

才試雨前茶悶拈斑管題蕉葉小插銅瓶摘豆花鎮日科頭
據長榻綠陰庭院最清華

史

順字天循江都人蕉飲太史之叔著青蓮閣集四卷其五言如槿離間夜續浦激出秋燈月滿嫌亭窄烟消惜樹疎七言如書於未見常璠意貧似會經不改歡皆清雋可誦

九日登高

霜高初過鯉魚風與客登臨興自同
衣弊酒添連日跡病多
詩覺去年工身憑傑閣危闌上
秋在丹楓白雁中
倦眼欲舒
霄漢外不堪雲影半寒空

吳世燾

字幼日高郵人康熙戊辰進士以編修直遷中允適里中患水幼日請於巡鹽御史李陳常發米三千石設廠賑粥全活甚多

和家鏡菴韻贈別

十年負痛常爲客今日相逢意黯然
世路不堪成浪跡旅人

無計整歸鞭，巖湖波冷蛟。潛影金櫃雲，深鳥習禪。先伯岳墓在金櫃山

君去不須揮別淚，浮沈身世一漁船。

白髮憐君心獨苦，垂頭欲語更潛然。悲歌燕市頻沽酒，躑躅
征途懶着鞭。往事只今猶屬夢，此身那得便安禪。湖光春色
猶相待，破浪應乘萬里船。

石爲崧

字五中，號樊山。通州人。康熙辛酉舉人，戊辰進士。由縣令歷官戶部員外郎，令靈邱。時噶爾丹犯順。

羽檄旁午，馳驅戎馬，間動合機。宜繼任樂平，民有爭山。墳者自宋以來，不決爲作。文祭山神，立起墳山，無左驗。以六百年被占之地，歸之原主。遠近傳以爲神，又縣有雞臍村，環村懸巖，險絕明末，馬氏避兵其中，聚族而居。負固歲徵六百金，抗不納。歷來苦之，單騎往諭，卽服。樂輸焉。先是撫軍年奠堯勢，張甚，值歲大旱，差官嚴徵。迫徵民課，崧時祈雨，稷壇就燭，焚其徽，持檄者訴於年。年曰：若老名士，屈居下僚，固宜有此。後撫軍張公廉得。其異政甚嘉之，報最第一。未幾告歸，所著有樊山詩集七卷。

鴈門關

晉代松杉漢代邱
雄關獨上倚清秋
平吞朔漠三千里
橫截燕雲十六州
野水有聲寒出塞
青山無恙晚當樓
武安祠下烽烟色
今古催人易白頭

題何左車千巖萬壑草堂圖

我有南村卷秋江
寫釣徒

余家江上禹鴻
蘆尚基作此圖

十年虛願在三徑

草堂孤忽話山中
事真憐輞口圖
他時擬訪戴半榻
肯分無

山行

徑轉山逾逼
雨餘秋更清
石疑逢虎踞
楓欲礙人行
巖冷飄叢桂
泉香熟晚秔
人家何處是
烟際有雞鳴

馬西齋刺史出示
尊人文毅公草書
字彙敬賦長句
蓋公被繫粵西時
所集目錄小楷
顧夫人筆也

滇南妖鳥啼點蒼
蒼梧殺灑隨飛揚
夜呼一軍朝盡甲
孤城

晝閉天無光中丞秉鉞臨要荒衝冠髮指鬚戟張倉卒變生
連肘腋搏風有翅安能翔前呼禿鶩後搗鷓吁嗟因此孤鳳
凰兩雛潛飛度瀟湘丹山巢傾卵不傷嗚呼我公盛文章書
法直逼鍾王張尤工草書兼衆體上溯漢晉中隋唐支分派
別搜羅遍拈摭宋元至有明叶方公被繫閱四載重檢舊本
披縑細百獸奔馳羣鳥駭一一點畫詳偏傍有時翻新出已
意銀鉤蠶尾相炳煌自公大義殉封疆一身以外同糝糠孤
兒夜哭尋遺跡尚畱破篋欹古牆蠹粉剝落蝌蚪字剡藤零
斷龍賓香有美一人婉清揚冰玉爲肌鐵爲腸蠅頭小字何
琳瑯與公騎鶴白雲鄉賤子訪舊池水陽維公季子邦之良
示公遺墨縹作囊薔薇盟手捧珪璋逡巡注視一詞不能贊
惟覺目眙手顫舌且僵君不見靈風颯颯來紙上瑤光墮地

森寒芒

雪霽登毘盧閣望西山放歌

我登高閣上對面城西峯但見太行東走渺無極翔舞鸞鳳
騰蛟龍又見殘雪的嶸山之坳日光晝射冰稜消此時下界
纖塵都不翳浮空萬仞飛寒翠仙人恍把玉芙蓉古佛正映
青螺髻我昔曾爲汗漫游四百寺前烟雨秋石壁倒鋪沈潭
黑鮮霞朝冠蒼苔幽更騎代北馬往來三關頭秦城山腰縈
如帶長虹宛宛渾河流舊夢倏過那能記十年不踏燕山地
短衣何事逐風塵聽鐘又住城西寺閣上正春風曠望天濛
濛千山萬山森足底嵯峨忽起羅心胸人生萬事亦何有轉
眼朱顏成老醜還攜綠玉杖去問采芝叟青山可識向來人
臨風酌爾一杯酒

戊戌秋日余請假將歸偶過慈仁寺有持戴文進漁翁
畫軸求售者貌絕肖余因購之爲小影

二百年前戴文進爲我滄江寫釣徒自我翻身向雲海雪上
鴻爪知有無我今復向人閒小遊戲曩日青山都不記昨夜
夢戴公忽語三生事書廊小畫誰所懸對面鬚眉渾莫二破
笠露頂赤雙脚笊箸挂腰袒半臂憶昔并州人曾爲貌余眞
身騎代北馬飛馳古塞門近年昭陽禹君亦好手點綴南村
五楊柳更作荒村子月圖把卷蕭蕭風夜吼我每披圖增嗟
吁少壯幾何老相隨豈知事前定戴公乃我師買歸頻照鏡
獨坐更傾杯杯乾一笑相爾汝底事今我異故我我不願短
衣逐李廣亦不願方目比陶公行吟但學天隨子知足聊同

邴曼容

擬古樂府一篇爲張孝子賦

頭白烏屋角啼黃昏鬼哭聲嗷呼父死未葬城已圍父棺不

保兒去欲安之

解一

兒去欲安之賊兵來拊棺涕泣前致辭賊

磔我指流血淋漓

解二

斫頭不惜何以怒爲有孫出救刳屠不

異豕與雞賊懸兩刀以邀以嬉

解三

頭白烏田閒啼賊兵去遺

民歸老僕走相尋載之廣柳車僕亦不願生地下相追隨

解四

鄉鄰大歎息歎息涕漣而齊拜孝子墳墳旁築高祠社鼓擊

琴酒滿卮神之來兮張兩旗不見烏啼見鶴飛

解五

寡鵠篇爲秦州儲節婦賦

鵠之寡兮單居喙持藻兮哺孤雛彼梟何來吁嗟梟兮匪汝

匹儔

叶除

梟怒殺鵠毛羽催頹鬼褫其魄梟瞠不能飛

解二

東

鄰張羅西鄰設弩執此凶醜會須付鼎俎

解三

誰何者叟請爲

梟憐梟烹亦良苦鵠冤誰與填

解四

天怒有赫震來其虺攬梟

中途南山蒼鶻啄梟之腦喋梟之血

解五

衆悲填膺梟伏其辜

兮鵠不再生社鼓戔戔今旨酒一盛

解平

千秋萬歲兮神之來

如流星

解六

沙

鼎

字梅佐如臯貢生官建昌州判制府賞其能嘗以

于官梅佐美風姿性情敦厚家故豐好爲推解有城西

別業饒樹石園亭之勝來遊者必與爲平原十日之飲

詩宗少陵嘗刻杜陵七律真傳行世太倉王顓菴拔長

州韓慕廬葵宣城梅聽山庚極稱重之康熙丁亥年崇

川邵吾廬韓輯其詩

爲沙肝江遺藁四卷

過平彝縣遊清溪洞

山城烟霧裏帶雨度清溪路滑星軺怯林深玉洞迷苔痕侵

佛座花影落雲梯竹過翠微處畱人山鳥啼

白雲坡

四圍碧嶂橫如黛萬疊青松響作濤却羨山僧行脚處重重
石徑踏雲高

新秋大雨宿滇中霑益州驛館

昆明七月似深秋風雨縱橫滿驛樓漏盡荒城連鼓角寒生
孤館入衾裯一宵夢阻長淮地萬里山圍古益州心緒天涯
搖落甚不堪孤枕聽寒流

史申義

字蕉飲江都人童子時廉使金長真觀風七郡拔
第一吉水李尚書視學江南試霜鐘璧社珠光二

賦選貢

入成均舉康熙戊辰進士選庶吉士授編修

聖祖遣使至直

廬問翰林中誰能詩者陳相國廷

敬以申義對

上嘗賜御書綾幘以示嘉獎已卯

典試雲南孤清高奇頗爲世重歷官禮科掌印給事中

以疾告歸生平以王文簡爲師以姜西溟梁藥亭吳天

章查夏重何義門爲友里中論詩與殷彥來顧書宣最

密晚年好竺乾家言詩旨益臻沖淡所著有燕城

集卷使滇集三卷過江集四卷過江二集四卷

奉

命之滇南陞辭紀

恩有作

十年簪筆侍西清
叱馭初爲萬里行
才媿輪軒周太史
心憐池水漢昆明
夔人解誦相如賦
蠻女時登諸葛營
指點南中多氣象
彩雲曾使武皇驚

荊州懷古

郢都高築渚宮開
風雨三湘七澤來
江上射麋公子轡
宮中滅燭美人杯
齊秦割地無長策
屈宋憂時豈賦才
火入夷陵三戶少
細腰臺殿總成灰

鼎足孫劉勢已成
霸才無主日縱橫
天連巴蜀方爭險
地接襄樊好用兵
野草自荒劉表塚
愁雲不散呂蒙營
公孫當日依人者
長筵危樓百感生

江左安危踞上游六朝門戶擁貔貅鼓聲處處喧南郡烽火
年年照蔣州封豕長鯨勞上將金楨玉幹比強侯枇杷門外
梁元帝眇眇眞爲北渚愁

葉葉風帆月峽過虎牙山勢遠嵯峨人家折竹常驅鬼士女
分棚戲拔河長袖知誰工楚舞短簫吾欲聽巴歌江陵從道
衣冠藪何獨琵琶比飯多

辰龍關

松勢接遠阜十里寒濤聞峻嶺削萬丈排突青冥分白光凝
積雪黑氣屯高雲天門誰劈劃鬼斧開氤氳凌競度一騎何
以通千軍往者鯨鯢橫填海連楚氛辰陽楚門戶此實豺虎
羣五溪毒淫匯銅柱誰標勳函谷一丸泥塞險何足云徘徊
下關路合沓蒼烟曠

鎮遠

金欽咽喉地嚴城管百蠻交流鐵溪水倒影石屏山驛騎紅
塵合寒廳畫戟閒驩連十五洞爭看使星還

平越

萬壑蹄猿擁郡樓黎峨風雨起深愁三林箐黑連龍里百部
烟昏接播州幾見漢唐通貢使誰能兵甲服蠻酋三江不獨
羊腸險處處濤聲水合流

瀘溪縣舟次述所見

架屋懸厓萬仞梯明窗洞戶棟雲飛三危露入金人掌九子
鈴聞玉女扉天外紅牆城隱隱空中黃篾路依依鵲巢向背
蜂房亂蜃海樓臺見亦稀

過洞庭湖作

淮海英靈集

乙集卷二

洞庭波綠搖晴烟紅苕碧杜紛芳妍孤槎陰陰宿水國袂衣
夜半生春寒北風湖上三日顛浪捲銀屋浮湘川糝糊不辨
郢中樹蕩滄欲吞雲夢田軒轅咸池大合樂叢鈴碎珮雲旂
翻魚龍空澗舞曼衍巴蛇積骨空邱山蒼梧帝子去不還雲
和寶瑟無人彈竄窳山鬼嘯春竹二妃玉泣啼痕斑懷沙恨
遠迷江潭楚雲湘水天連縣章華路迴鄂渚斷漁歌夜悄空
江船繁星歷亂春風旋君山松檜旭日鮮湖心浪偃玉盤出
赤沙青草無鉤連沅澧清波漾明鏡衡巫遠黛拖高鬟神鴉
舞棹不肯散鴨鴉聒耳鴉鵲喧吳舸蜀編交若織巴童羌客
帆爭懸中流簫鼓亦怒激老龍晝抱驪珠眠揮手辰陽八百
灘楚天淼淼湖雲寬巴陵堞樓忽在眼岳陽霽色明高檐

里門懷古詩八首

錄四

董仲舒

廣川有大儒出身事漢武天人三策對略已動英主不肯媚
曲學同列多懷怒妒既起公孫讒復遭主父鬱鬱膠西相落
落江都輔獨欲尊孔氏百家斥不取卓哉漢儒宗絕學邈千
古感士賦不遇無人可告語擬對高廟災危幾迫刀俎私家
撰官書得禍可勝數班氏傳西京奮筆特褒詡從來悲賈董
才命蓋相忤

謝安石

謝公擁節旌談笑鎮揚州一門佳子弟珠玉充道周翩翩裘
展閒賓客皆上儔絲竹與山水癖好聯清遊雖有期功戚亦
不廢歌謳兒輩乃破賊碁局了不收縱然展齒折鎮俗度原
優想當擁鼻時豈爲富貴謀奈何遘流言小草竟蒙羞起將

桓伊鬚聞箏涕橫流嗟哉東山志華屋俄山邱蒼生如公何
百身莫可畱羊曇鞭西門馬行亦悠悠乘醉發大慟茫茫叢
百憂長吟繡虎句千載難爲酬

鮑明遠

顏謝無優劣文章竝冠冕延年不自信私問鮑明遠美哉鮑
生才不因門閥顯史官何無識乃以人微貶脫非虞散騎生
平無可纂相時善投主致身非所短恥同燕雀羣才地思一
展如何遭梁武身亦長偃蹇文章有何罪蓋由時命舛惻然
松柏篇憂生卒未免一紙報妹書大雷走窮喘竟參臨海軍
難脫虎口險

杜牧之

昔者牛僧孺淮南節度使幕府旣多賢尤愛杜書記輕狂一

書生醉臥平康肆公既重生才不忍逆其意密使邏卒護夜
報平安字某年又某日書記宿某氏杜生慴不知公前猶深
諱公勤邏卒帖一一出相示衆賓皆嘆立杜生且伏地慟哭
至失聲爲下百斛淚古者賢豪人憐才乃如是士苟有胸腹
得無感遺事低首奇章公我今仍雪涕

夢就宿寺院題一詩醒後誌之

寥落齋鐘起庭陰過晚涼匙翻松菌滑鉢浸藥苗香禪定僧
房掩塵消佛鏡光祇攜巾拂至欲憩道林牀

懷郭于宮

塾角才名冠

內廷夜吹藜火照人青彩毫重補中州集一瓣香畱野史亭

李

湘字涪源
江都人

登琅邪山

琅邪山色古開闢始何年白接雲邊海青扶谷口天齊封空
浩劫秦碣臥蒼烟落日荒臺上西風暮颯然

趙有成

字子淑號柳江江都人康熙己酉兄五紘爲慶遠守乃遊粵西爲浮湘集二卷又著三山集若干卷

抵漢口

孤征窮水驛今到漢江頭澤國舟爲市人家竹起樓烽烟消
鄂渚士女習巴謳始信湖湘美蒼茫萬井秋

山居秋懷

秋深諸將渡黃河獵獵旌旗捲白波落日哀笳嘶鐵騎古城
烟草沒銅駝冰霜萬里催芻粟砧杵千家黯綺羅部曲健兒
喜新捷西風滿地起饒歌

汪修武

字聖昭歙人占籍揚州著雙瞻閣詩集六卷

秋夜

露坐宵中月清景延幽賞孤烟下桐葉靜愛庭除敞秋花媚
暗徑繞砌寒蛩響縹緲思瓊樓直欲凌風上

吳

寅

字秩三號賓盧江都貢生壯遊三十年歸臥北湖黃珏橋博學能文詩學南宋人著有夢魂居詩集

卷四

移居黃子湖新賃茅屋

一亭偃蹇寄乾坤斗室何辭費討論椽葺香茅搜鼠婦籬編
新竹護雞孫不妨杜甫愁吹屋却被劉伶笑入禪戶外烟波
渺何處滿湖風月一江村

楊維漢

字倬雲江都人

邗溝

溝繞郡城邊功成記漢年千航馳驛路一線入江天雨雪春

浮漲鶯花暮泊烟北連湖上埭高築費金錢

汪玉珩

字非寶儀徵人
康熙辛卯舉人

聞鐘

旅舍花官近疎鐘隔水鳴數聲江月冷一夜客心清夢斷官
街鼓塵空佛塔鈴殘膏吟未了漏已報三更

王

權

字興化人

幽棲

露冷蒹葭水一涯板橋低接野人家移蕉已放疎牕綠種柳
初飛小徑花幾日典衣沽美醞常時洗椀淪新茶素心脉脉
知何處秋在簾鉤落日斜

張圮

字子如舉人

得許山濤書喜蔣山老人將歸舍桴蘭若

昨得故人書遙傳方外信白雲倦孤飛金策行將振自非八
世身詎爲風塵困江南有茅菴松菊荒滿徑屋角羅蛛絲秋
風冷石磬頭白好歸來山中續清詠

朱

灃字天綺
江都人

哀鴻歌

迫促迫促哀鴻歌我對君歌涕泗多君聽我歌勿愁絕我爲
細作哀鴻歌六月霖雨河隄裂長淮極望炊烟滅浮屍壓水
水不平橫流飛雨雜悲鳴可憐定數誰復挽悠悠視此鴻毛
輕漉屍老人向屍哭收屍結束埋山麓東鄰昨歲死飢寒西
鄰八口填溝瀆而今江海復洪濤荒月荒烟狐竄伏水勢激
蕩接續來僅畱殘喘顏如灰敢怨流離無寸粒獨哀老病收
遺骸我聽此言淚沾臆十年菑屋思安集天雨傾盆地軸翻

全賴仁侯救呼吸草寒沙瘦千餘里吏胥徒知嚼枯髓但存
皮骨少金錢紛紛敲朴胡爲爾稚兒曳母嬌不行哀哉寡婦
哭兒聲昨鬻茅舍今鬻子骨肉斷絕情難死誰能傳我哀鴻
曲哀鴻之曲真迫促

沙鍾珍

字彥發號席公如臯人

步君山寺

南洲維小艇散步到禪關雨歇池邊樹雲歸寺裏山鐘聲連
塔動鶴影見僧閒一抹橫江翠孤帆自往還

燕山雜詠

陵樓高閣逼青霄天外羣峰倚寂寥但見玉泉噴石髓誰知
古殿自金朝丹山碧水流虹帶綠樹青雲映綵橋多少幽人
閒眺望清風明月好逍遙

丁其錫

字天子號殊齋如臯人

素風堂銷夏

塵消如暑退清賞集天涯白石留春薜黃花落晚槐雲深迷
俗駕風好敞虛齋更作碧筒飲陶然共寫懷

朱國琦

字鶴山號癩翁興化人

九日雅集分韻

蟲吟苔石亂雁度暮烟長訪菊添詩興持螯助酒狂故人俱
白髮嘉會又斜陽好有初弦月娟娟到草堂

卞元彪

字孺蔚江都人

秋日感興

閉門卽是入山深隔俗人誰託素心夢裏秋光荒似蝶詩中
清韻冷如礎既經芳草隨鞭斷莫把黃花壓帽簪好竹一園

蘭一畝更須收拾舊光陰

陸

珂字佩玉
興化人

春日步昭陽山

春風導游塵擷芳入幽谷長松晝生陰細草晨鋪綠窈窕石
上蘿參差山下屋清泉挂樹飛白雲懸崖宿竚立復行行探
芝忽盈掬適與樵子遇和歌不成曲吾將築香茅翠倚琅玕
竹

王拱辰

字新維
江都人

春日登眞賞樓望江南山

選勝名場愛勝遊蜀岡風景滙中州六朝烟柳春如海三月
鶯花客上樓紅映綠樽新醞撥碧堆青髻遠峯浮眼前有句
無遺却莫道騷人只賦秋

王

待

字季守
興化人

由蓼城至東郡道中

長淮飛匹練東下疾無聲
萬閭連雲築干帆挂雨行
亂山藏蔡邑高霧失蒙城
日落投何處江樓畫角鳴

秦定遠

字快御
秦州人

曹正子有綠水送春帆之句同諸公賦贈

渺渺春江帶淺沙
綠楊低影布帆斜
攜琴妥放山陰棹
載酒輕浮魯望家
點點綠烟飛燕子
飄飄紅雨泛桃花
扁舟一路波如鏡
相送東風到若耶

不得詣智者寺

迢遙智者寺惟見嶺雲封
徑狹難驅馬岡迴自臥龍
野人畊赤土樵子臥青松
日暮人還倦山僧竟未逢

席允叔招同諸子聽花書屋讌集得條字

蕪城三月雨初消
攜手尋春度板橋
花滿青山思載酒
人依畫閣聽吹簫
隔林短檠來桃葉
映水長堤拂柳條
但得吾儕饒逸興
鶯聲何日不相招

隋苑

柳外高樓倚翠微
上林風景鳥爭飛
長安西苑鶯花老
目斷江南君不歸

黃九河

字天濤
秦州人

半塘舟夜贈女郎

白隄一見悵魂銷
小會依廿四橋
最愛館娃香徑裏
十分秋影不勝描

玉管銀箏沸渡頭
青樽紅燭散鄉愁
如何夜半人歸去
月落

無聲水自流

北卜於袁浦發家書

丈夫志四方不受兒女羈苟懷萬里志勞動何足辭昨發海陵城今宿淮水湄附書送行人援筆中心悲親亡兩弟弱支戶惟中闕水旱歲頻仍全家常苦飢官租宜早辦西疇勤耘耔幼弟學易荒肅恭承明師回望浮螺山先壟草離離遠行戀所生貧賤無歸期苟能行直道何懼路險巇長安多親舊音驛日夜馳紙短苦意長挑燈重封題欠身起篷窗月落村雞啼

送毛亦史歸婁東

知君夜夜夢鄉關夕照荒原看獨還剩有此身娛白髮竟無餘橐買青山江風細雨高樓外野樹敲雲斷岸聞此去逢人

如問訊爲言有客鬢毛斑

寄懷紀彥子兼憶合肥夫子

見說柴車返舊京雁門西望最含情憶曾燕市同呼酒忽復
江鄉漫聽鶯隔歲兵戈催白髮空山風雨刷黃精却鄰買駿
逢知己痛煞金臺是樂生

黃九洛

字姬定
泰州人

九日期趙庶先先生登高阻雨畱飲小齋

兩兩青山阻屐痕蒼苔空自掩柴門黃花香冷烟三徑紅葉
聲疎雨一邨客似孟嘉誰落帽主非陶令獨開尊秋光自在
幽齋裏且把茱萸細討論